

大般涅槃經

卷三十三

百廿五  
率三

48026



元祿九年丙子二月日重修

皇圖肇固 帝階級昌

佛日增輝 懋輪崇轉

山城州天安寺法金剛院置

大般涅槃經卷第三十三

率

北涼天竺三藏曇無讖奉

詔譯

大般涅槃經師子吼菩薩品第十一之七

師子吼言世尊若言如來不生不滅名為深

者一切眾生有四種生卵生胎生溼生化生

是四種生人中具有如~~乾婆~~羅比丘優婆施

婆羅比丘~~彌迦~~羅長者母尼拘陀長者

閻羅長者母各五百子同於卵生當

則有卵生溼生者如佛所說我於往昔作菩

薩時作頂生王及手生王如今所說菴羅樹

女迦不多樹女當知人中則有溼生劫初之

時一切眾生皆悉化生如來世尊得八自在



何因緣故不化生也。佛言善男子，一切衆生  
四生所生，得聖法已，不得如本卵生、溼生、善  
男子、劫初衆生，皆悉化生。當今之時，佛不出  
世，善男子，若有衆生遇病苦時，須醫須藥，劫  
初之時，衆生化生，雖有煩惱，其病未發，是故  
如來不出其世。劫初衆生，身心非器，是故如  
來不出其世。善男子，如來世尊，所有事業，勝  
諸衆生，所謂種性眷屬、父母，以殊勝故。凡所  
說法人，皆信受是故。如來不受化生。善男子，  
一切衆生，父作子業，子作父業。如來世尊，若  
受化身，則無父母。若無父母，云何能令一切  
衆生作諸善業？是故如來不受化身。善男子，

佛正法中。有二種護。一者內。二者外。內護者。所謂禁戒外護者。族親眷屬。若佛如來受化身者。則無外護。是故如來不受化身。善男子。有人恃性而生。憍慢如來。為破如是慢。故生。在貴性不受化身。善男子。如來世尊有真父母。父名淨飯。母名摩耶。而諸眾生猶言是幻云。何當受化身之身。若受化身云。何得有碎身。舍利如來。為益眾生福德。故碎其身。而令供養。是故如來不受化身。一切諸佛悉無化生云。何獨令我受化身。今時師子吼。喜薩合掌。長跪。右膝著地。以偈讚佛。

如來無量功德聚  
我今不能廣宣說

今為衆生演一分  
衆生無明闇中行  
世尊能令遠離之  
衆生徃返生死繩  
如來能施衆安樂  
佛能施衆安樂故  
為諸衆生脩苦行  
見他受苦身戰動  
為諸衆生受大苦  
如來為衆修苦行  
心處邪風不傾動  
衆生常欲得安樂

唯願哀愍聽我說  
具受無邊百種苦  
是故世稱為大悲  
放逸迷荒無安樂  
是故永斷生死繩  
自於已樂不貪樂  
是故世間興供養  
處在地獄不覺痛  
是故無勝無有量  
成就具足滿六度  
是故能勝世大士  
而不知修安樂因

如來能教令脩集

佛見衆生煩惱患

常思離病諸方便

一切衆生行諸苦

如來演說真苦樂

世間皆處無明聲

如來智涅槃經能啄壞此三

不為三世所模持

覺知涅槃甚深義

有何迴復沒衆生

如來自度能度彼

能知一切諸因果

猶如慈父愛一子

心苦如母念病子

是故此身繫屬他

其心顛倒以為樂

是故稱號為大悲

無有智能能破之

是故三名為最大子

無有名字及假號

是故稱佛為大覺

無明所盲不知出

是故稱佛大船師

亦復通達盡滅道

常施衆生。病苦藥。  
外道邪見說苦行。  
如來演說真樂行。  
如來世尊破邪道。  
行是道者得安樂。  
非自非他之所作。  
如來所說苦受事。  
成就具足戒定慧。  
以法施時無妬恚。  
無所造作無因緣。  
是故一切諸智者。  
常共世間放逸行。

是故世稱大醫王。  
因是能得無上樂。  
能令衆生受快樂。  
開示衆生正真路。  
是故稱佛爲導師。  
亦非共作無因作。  
勝於一切諸外道。  
亦以此法教衆生。  
是故稱佛無緣悲。  
獲得無因無果報。  
稱說如來不求報。  
而身不爲放逸汗。



是故名為不思儀

世間八法不能汙

如來世尊無怨親

是故其心常平等

我師子吼讚大悲

能吼無量師子吼

大般涅槃經迦葉菩薩品第十二

迦葉菩薩白佛言世尊如來憐愍一切衆生

不調能調不淨能淨無歸依者能作歸依未

解脫者能令解脫得八自在為大醫師作大

藥王善星比丘是佛菩薩時子出家之後受

持讀誦分別解說十二部經壞欲界結獲得

四禪云何如來記說善星是一闍提斯下之

人地獄劫住不可治人如來何故不先為其

演說正法後為菩薩如來世尊若不能救善

星比丘云：何得名有大慈悲有大方便佛言  
善男子譬如父母唯有三子其一子者有信  
順心恭敬父母利根智慧於世間事能達了  
知其第二子不敬父母無信順心利根智慧  
於世間事能達了知其第三子不敬父母無  
有信心鈍根無智父母若欲教告之時應先  
教誰先親愛誰當先教誰知世間事迦葉菩  
薩白佛言世尊應先教授有信順心恭敬父  
母利根智慧知世事者其次第二後及第三  
而彼二子雖無信順恭敬之心為愍念故次  
復教之善男子如來亦令其三子者初喻菩  
薩中喻聲聞後喻一闍提如十二部經修多

羅中微細之義我先已為諸菩薩說淺近之  
義為聲聞說世間之義為一闡提五逆罪說  
現在世中雖無利益以憐愍故為生後世諸  
善種子善男子如三種田一者渠流便易無  
諸沙滷瓦石棘刺種一得百二者雖無沙滷  
瓦石棘刺渠流難險收實減半三者渠流險  
難多諸沙滷瓦石棘刺種一得五一為豪草故  
善男子農夫春月先種何田世尊先種初田  
次第二田後及第三初喻菩薩次喻聲聞後  
喻一闡提善男子譬如三器一者完二者漏  
三者破若欲盛置乳酪水酥先用何者世尊  
應用完者次用漏者後及破者其完淨者喻

菩薩僧漏喻聲聞破喻一闡提善男子如三  
病人俱至醫所一者易治二者難治三者不  
可治善男子醫者治者當先治誰世尊應先  
治易次及第二後及第三何以故為親屬故  
其易治者喻菩薩僧其難治者喻聲聞僧不  
可治者喻一闡提現在世中雖無善果以憐  
愍故為種後世諸善種子故善男子譬如大  
王有三種馬一者調壯大力二者不調齒壯  
大力三者不調羸老無力王若乘者當先乘  
誰世尊應先乘用調壯大力次乘第二後及  
第三善男子調壯大力喻菩薩僧其第二者  
喻聲聞僧其第三者喻一闡提現在世中雖

無利益以憐愍故為種後世諸善種子善男子如大施時有三人來一者貴族聰明持戒二者中姓鈍根持戒三者下姓鈍根毀戒善男子是大施主應先施誰世尊應先施於貴姓之子利根持戒次及第二後及第三其第一者喻菩薩僧其第二者喻聲聞僧其第三者喻一闍提善男子如大師子殺香象時皆盡其力殺兔亦令不生輕想諸佛如來亦復如是為諸菩薩及一闍提演說法時功用無二善男子我於一時住王舍城善星比丘為我給使我於初夜為天帝釋演說法要弟子法應後師眠卧今時善星以我久坐心生惡

念時王舍城小男小女若啼不止父母則語  
汝若不止當將汝付薄拘羅鬼今時善星及  
被拘執而語我言速入禪室薄拘羅來我言  
癡人汝常不聞如來世尊無所畏耶今時帝  
釋即語我言世尊如是人等亦復得入佛法  
中耶我即語言憍尸迦如是人者得入佛法  
亦有佛性當得阿耨多羅三藐三菩提我雖  
爲是善星說法而彼都無信受之心善男子  
我於一時在迦尸國尸婆富羅城善星比丘  
爲我給使我時欲入彼城乞食無量衆生虛  
心渴仰欲見我跡善星比丘尋從我後欲毀  
滅之既不能滅而令衆生生不善心我入城

已於酒家舍見一尼乾躡脊蹲地飡食酒糟  
善星比丘見已而言世尊世間若有阿羅漢  
者是人最勝何以故是人所說無因無果我  
言癡人汝常不聞阿羅漢者不飲酒不害人  
不欺誑不偷盜不媼佚是人殺害父母食噉  
酒糟云何而言是阿羅漢是人捨身必定當  
墮阿鼻地獄涅槃經卷三十三阿羅漢者永斷三惡七云何而言  
是阿羅漢善星即言四大之性猶可轉易欲  
令其人必墮阿鼻無有是處我言癡人汝常  
不聞諸佛如來誠言無二我雖為是善星說  
法而彼絕無信受之心善男子我於一時與  
善星比丘住王舍城今時城中有一尼乾名

曰苦得常作是言衆生煩惱無因無緣衆生  
解脫亦無因緣善星比丘復作是言世尊世  
間若有阿羅漢者苦得爲上我言癡人苦得  
尼乾實非羅漢不能解了阿羅漢道善星復  
言何故羅漢於阿羅漢而生妬嫉我言癡人  
我於羅漢不生嫉妬而汝自生惡邪見耳若  
言苦得是羅漢者却後七日當患宿食腹痛  
而死死死已生於食吐鬼中其同學輩當昇其  
屍置寒林中今時善星即往苦得尼乾子所  
語言長老汝今知不沙門瞿曇記汝七日當  
患宿食腹痛而死死死已生於食吐鬼中同學  
同師當昇汝屍置寒林中長老好善思惟作



諸方便當令瞿曇隨妄語中今時苦得聞是  
語已即便斷食從初一日乃至六日滿七日  
已便食黑蜜食黑蜜已復飲冷水飲冷水已  
腹痛而終終已同學昇其屍喪置寒林中即  
受食吐餓鬼之形在其屍邊善星比丘聞是  
事已至寒林中見苦得身受食吐鬼形在其  
屍邊躡脊涅槃經卷第三十三蹲地善星語言大德死耶苦得答  
言我已死矣云何死耶答言因腹痛死誰出  
汝屍答言同學出置何處答言癡人汝今不  
識是寒林耶得何等身答言我得食吐鬼身  
善星諦聽如來善語真語時語義語法語善  
星如來只出如是實語汝於今時云何不信

若六衆生不信如來真實言者彼亦當受如  
我此身今時善星即還我所作如是言世尊  
苦得尼乾命終之後生三十三天我言癡人  
阿羅漢者無有生處云何而言苦得生於三  
十三天世尊實如所言苦得尼乾實不生於  
三十三天今受食吐餓鬼之身我言癡人諸  
佛如來誠言無二若言如來有二言者無有  
是處善星即言如來今時雖作是說我於是  
事都不生信善男子我亦常爲善星比丘說  
真實法而彼絕無信受之心善男子善星比  
丘雖復讀誦十二部經獲得四禪乃至不解  
一偈一句一字之義親近惡友退失四禪退

四禪已生惡邪見作如是說無佛無法無有  
涅槃沙門瞿曇善知相法是故能得知他人  
心我於今時告善星言我所說法初中後善  
其言巧妙字善真正所說無雜具足成就清  
淨梵行善星比丘復作是言如來雖復為我  
說法而我真實謂無因果善男子汝若不信  
如是事者善星比丘涅槃經才三十三今者近在尼連禪河可  
共往問今時如來即與迦葉往善星所善星  
比丘遙見我來見已即生惡邪之心以惡心  
故生身陷入阿鼻地獄善男子善星比丘雖  
入佛法無量寶聚空無所獲乃至不得一法  
之利以放逸故惡知識故譬如有人雖入大

海多見衆寶而無所得以放逸故又如入海  
雖見寶聚自戮而死或爲羅刹惡鬼所殺善  
星比丘亦復如是入佛法已爲惡知識羅刹  
大鬼之所殺害善男子是故如來以憐愍故  
常說善星多諸放逸善男子若本貧窮於是  
人所雖生憐愍其心則薄若本巨富後失財  
物於是人所生於憐愍其心則厚善星比丘  
亦復如是受持讀誦十二部經獲得四禪然  
後退失甚可憐愍是故我說善星比丘多諸  
放逸多放逸故斷諸善根我諸弟子有見聞  
者放是人所無不生於重憐愍心如初巨富  
後失財者我於多年常與善星共相隨逐而

彼自生惡邪之心以惡邪故不捨惡見善男  
子我從昔來見是善星有少善根如毛髮許  
終不記彼斷絕善根是一闍提斯下之人地  
獄劫住以其宣說無因無果無有作業今乃  
記彼永斷善根是一闍提斯下之人地獄劫  
住善男子譬如有人沒圍廁中有善知識以  
手托之若得涅槃經才三十三首髮便欲拔出久求不得十乃  
息意我亦如是求覓善星微少善根便欲拔  
濟終日求之乃至不得如毛髮許是故不得  
拔其地獄迦葉菩薩言世尊如來何故記彼  
當墮阿鼻地獄善男子善星比丘多有眷屬  
皆謂善星是阿羅漢是得道果我欲壞彼惡

邪心故記彼善星以放逸故墮於地獄善男  
子汝今當知如來所說真實無二何以故若  
佛所記當墮地獄若不到者無有是處聲聞  
緣覺所記別者則有二種或虛或實如月捷  
連在摩伽陀國徧告諸人却後七日天當降  
雨時竟不雨復記特牛當生白犢及其產時  
乃生駮犢記生男者後乃生女善男子善星  
比丘常爲無量諸衆生等宣說一切無善惡  
果今時永斷一切善根乃至無有如毛髮許  
善男子我久知是善星比丘當斷善根猶故  
共住滿二十年畜養共行我若遠棄不近左  
右是人當教無量衆生造作惡業是名如來

第五解力。世尊一闍提輩以何因緣無有善法。善男子一闍提輩斷善根。故衆生悉有信等五根。而一闍提輩永斷滅。故以是義。破殺害蟻子。猶得殺罪。殺一闍提無有殺罪。世尊一闍提者。終無善法。是故名爲一闍提。耶佛言如是如是。世尊一切衆生有二種善。所謂過去未來。現在涅槃經卷第三十三一闍提輩亦不能斷未來善法。云何說言斷諸善法。名一闍提。耶善男子。斷有二種。一者現在滅。二者現在障於未來。一闍提輩具是二斷。是故我言斷諸善根。善男子。譬如有人沒圍廁中。唯有一髮毛頭。未沒。雖復一髮毛頭未沒。而一毛頭不能勝身。

一闡提輩亦復如是雖未來世當有善根而不能救地獄之苦未來之世雖可救拔現在之世無如之何是故名為不可救濟以佛性因緣則可得救佛性者非過去非未來非現在是故佛性不可得斷如朽敗子不能生牙一闡提輩亦復如是世尊一闡提輩不斷佛性佛性亦善云何說言斷一切善善男子若諸衆生現在世中有佛性者則不得名一闡提也如世間中衆生我性佛性是常三世不撰三世若撰名為無常佛性未來以當見故故言衆生悉有佛性以是義故十住菩薩具足莊嚴乃得少見迦葉菩薩言世尊佛性者



常猶如虛空何故如來說言未來如來若言  
一闍提輩無善法者一闍提輩於其同學同  
師父母親族妻子豈當不生愛念心耶如其  
生者非是善乎佛言善哉善哉善男子快發  
斯問佛性者猶如虛空非過去非未來非現  
在一切衆生有三種身所謂過去未來現在  
衆生未來涅槃經卷第三十三具足莊嚴清淨之身十二得見佛性是  
故我言佛性未來善男子我為衆生或時說  
因為果或時說果為因是故經中說命為食  
見色名觸未來身淨故說佛性世尊如佛所  
說義如是者何故說言一切衆生悉有佛性  
善男子衆生佛性雖現在無不可言無如虛

空性雖無現在不得言無一切衆生雖復無常而是佛性常住無變是故我於此經中說衆生佛性非內非外猶如虛空非內非外如其虛空有內外者虛空不名爲一爲常亦不得言一切處有虛空空雖復非內非外而諸衆生悉皆有之衆生佛性亦復如是如汝所言一闡提輩有善法者是義不然何以故一闡提輩若有身業口業意業取業求業施業解業如是等業悉是邪業何以故不求因果故善男子如訶梨勒果根莖枝葉華實悉苦一闡提業亦復如是善男子如來具足知諸根力是故善能分別衆生上中下根能知是人

轉下作中能知是人轉中作上能知是人轉  
上作中能知是人轉中作下是故當知衆生  
根性無有決定以無定故或斷善根斷已還  
生若諸衆生根性定者終不先斷斷已復生  
亦不應說一闍提輩隨於地獄壽命一劫善  
男子是故如來說一切法無有定相迦葉喜  
家善男子若我涅槃經才三十三不聽善星比丘十三出家受戒則  
不得稱我爲如來具足十力善男子佛觀衆  
生具足善法及不善法是人雖具如是二法  
不久能斷一切善根具不善根何以故如是  
衆生不親善友不聽正法不善思惟不如法  
行以是因緣能斷善根具不善根善男子如

來復知是人現世若未來世少壯老時當近  
善友聽受正法苦集滅道今時則能還生善  
根善男子譬如有一泉去村不遠其水耳羨具  
八功德有人熱渴欲往泉所邊有智者觀是  
渴人必定無疑當至水所何以故無畏路故  
如來世尊觀諸衆生亦復如是是故如來名  
爲具足知諸根力今時世尊取地少土置之  
爪上告迦葉言是土多耶十方世界地土多  
乎迦葉菩薩白佛言世尊爪上土者不比十  
方所有土也善男子有人捨身還得人身捨  
三惡身得受人身諸根完具生於中國具足  
正信能修集道修集道已能修正道修正道

已能得解脫得解脫已能入涅槃如瓜上土  
捨人身已得三惡身捨三惡身得三惡身身  
根不具生於邊地信邪倒見修集邪道不得  
解脫常樂涅槃如十方界所有地土善男子  
護持禁戒精勤不懈不犯四重不作五逆不  
用僧鬘物不作一闍提不斷善根信如是等  
涅槃經典如瓜上土毀戒懈怠犯四重禁作  
五逆罪用僧鬘物作一闍提斷諸善根不信  
是經如十方界所有地土善男子如來善知  
衆生如是上中下根是改稱佛具知根力是  
葉菩薩白佛言世尊如來具足是知根力是  
故能知一切衆生上中下根利鈍差別知現

涅槃經 卷第三十三

十四

在世衆生諸根亦知未來衆生諸根如是衆  
生於佛滅後作如是說如來畢竟入於涅槃  
或不畢竟入於涅槃或說有我或說無我或  
有中陰或無中陰或說有退或說無退或言  
如來身是有爲或言如來身是無爲或有說  
言十二因緣是有爲法或說因緣是無爲法  
或說心是有常或說心是無常或有說言受  
五欲樂能障聖道或說不遮或說世第一法  
唯是欲界或說三界或說布施唯是意業或  
有說言即是五陰或有說言有三無爲或有  
說言無三無爲復有說言或有造色復有說  
言或無造色或有說言有無作色或有說言

無無作色或有說言有心數法或有說言無  
心數法或有說言有五種有或有說言有六  
種有或有說言八戒齋法優婆塞戒具足受  
得或有說言不具受得或說比丘犯四重已  
比丘戒在或說不在或有說言須陀洹人斯  
陀舍人阿那舍人阿羅漢人皆得佛道或言  
不得或說佛性即衆生有或說佛性離衆生  
有或有說言犯四重禁作五逆罪一闍提等  
皆有佛性或說言無或有說言有十方佛或  
有說言無十方佛如其如來具足成就知根  
力者何故今日不決定說佛告迦葉菩薩善  
男子如是之義非眼識知乃至非意識知乃

涅槃經卷三十三

十五

是智慧之所能知若有智者我於是人終不  
作二是亦謂我不作二說於無智者作不定  
說而是無智亦復謂我作不定說善男子如  
來所有一切善行悉為調伏諸衆生故譬如  
醫王所有醫方悉為療治一切病苦善男子  
如來世尊為國土故為時節故為他語故為  
度人故為衆根故於一法中作二種說於一  
名法說無量名於一義中說無量名於無量  
義說無量名云何一名說無量名猶如涅槃  
亦名涅槃亦名無生亦名無出亦名無作亦  
名無為亦名歸依亦名窟宅亦名解脫亦名  
光明亦名燈明亦名彼岸亦名無畏亦名無



退亦名安處亦名寂靜亦名無相亦名無二  
亦名一行亦名清涼亦名無闇亦名無礙亦  
名無諍亦名無濁亦名廣大亦名耳露亦名  
吉祥是名一名作無量名云何一義說無量  
名猶如帝釋亦名帝釋亦名憍尸迦亦名婆  
蹉婆亦名富蘭陀羅亦名摩佉婆亦名因陀  
羅亦名千眼亦名舍脂夫亦名金剛亦名寶  
頂亦名寶幢是名一義說無量名云何於無  
量義說無量名如佛如來亦名如來義異名  
異亦名阿羅訶義異名異亦名三藐三佛陀  
義異名異亦名船師亦名導師亦名正覺亦  
名明行足亦名大師子王亦名沙門亦名婆

涅槃經卷第三十三

十六

羅門亦名寂靜亦名施主亦名到彼岸亦名  
大醫王亦名大象王亦名大龍王亦名施眼  
亦名大力士亦名<sup>名</sup>大無畏亦名寶聚亦名商  
主亦名得脫亦名大丈夫亦名天人師亦名  
大分陀利亦名獨無等侶亦名大福田亦名  
大智慧海亦名無相亦名具足八智如是一  
切義異名異善男子是名無量義中說無量  
名復有一義說無量名所謂如陰亦名爲陰  
亦名顛倒亦名爲諦亦名四念處亦名四食  
亦名四識住處亦名爲有亦名爲道亦名爲  
時亦名衆生亦名爲世亦名第一義亦名三  
修謂身戒心亦名因果亦名煩惱亦名解脫

亦名十二。因緣亦名聲聞辟支佛亦名地獄  
餓鬼畜生人天亦名過去現在未來是名一  
義說無量名善男子如來世尊為衆生故廣  
中說略略中說廣第一義諦說為世諦說世  
諦法為第一義諦云何名為廣中說略如告  
比丘我今宣說十二因緣云何名為十二因  
緣所謂因果涅槃經才三十三何名為略中說廣如告比丘  
我今宣說苦集滅道苦者所謂無量諸苦集  
者所謂無量煩惱滅者所謂無量解脫道者  
所謂無量方便云何名為第一義諦說為世  
諦如告比丘吾今此身有老病死云何名為  
說世諦為第一義諦如告憍陳如汝得法故

名阿若憍陳如是故隨人隨意隨時故名如  
來知諸根力善男子我若當於如是等義作  
定說者則不得稱我為如來具知根力善男  
子有智之人當知香象所負非驢所勝一切  
衆生所行無量是故如來種種為說無量之  
法何以故衆生多有諸煩惱故若使如來說  
於一行不名如來具足成就知諸根力是故  
我於餘經中說五種衆生不應還為說五種  
法為不信者不讚正信為毀禁者不讚持戒  
為慳貪者不讚布施為懈怠者不讚多聞為  
愚癡者不讚智慧何以故智者若為是五種  
人說是五事當知說者不得具足知諸根力

亦不得名憐愍衆生何以故是五種人聞是  
事已生不信心惡心瞋心以是因緣於無量  
世受苦果報是故不名憐愍衆生具知根力  
是故我先於餘經中告舍利弗汝慎勿爲利  
根之人廣說法語鈍根之人略說法也舍利  
弗言世尊我但爲憐愍故說非是具足根力  
故說善男子得般若經卷三十三廣略說法是佛境界具非諸聲聞  
緣覺所知善男子如汝所言佛涅槃後諸身  
子等各異說者是人皆以顛倒因緣不得正  
見是故不能自利利他善男子是諸衆生非  
唯一性一行一根一種國土一善知識是故  
如來爲彼種種宣說法要以是因緣十方三

世諸佛如來爲衆生故開示演說十二部經  
善男子如來說十二部經非爲自利但爲  
利他是故如來身五力者名爲解力是二力  
故如來深知是人現在能斷善根是人後世  
能斷善根是人現在能得解脫是人後世能  
得解脫是故如來名無上力士善男子若言  
如來畢竟涅槃不畢竟涅槃是人不解如來  
意故作如是說善男子是香山中諸仙人  
五萬三千皆於過去迦葉佛所修諸功德未  
得正道親近諸佛聽受正法如來欲爲如是  
人故告阿難言過三月已吾當涅槃諸天聞  
已其聲展轉乃至香山諸仙聞已即生悔心

作如是言云何我等得生人中不親近佛諸  
佛如來出世甚難如優曇華我今當往至世  
尊所聽受正法善男子今時五萬三千諸仙  
即來我所我時即為如應說法諸大士色是  
無常何以故色之因緣是無常故無常因生  
色云何常乃至識亦如是今時諸仙聞是法  
已即時獲得涅槃經卷第三十三阿羅漢果善男子拘尸那竭有  
諸力士三十萬人無所繫屬自恃憍恣色力  
命財狂醉亂心善男子我為調伏諸力士故  
告目連言汝當調伏如是力士時目捷連敬  
順我教於五年中種種教化乃至不能令一  
力士受法調伏是故我復為彼力士告阿難

言過三月已吾當涅槃善男子時諸力士聞  
是語已相與集聚平治道路過三月已我時  
便從毗舍離國至拘尸那城中路遙見諸力  
士輦即自化身為沙門像往力士所作如是  
言諸童子輦作何事耶力士聞已皆生瞋恨  
作如是言沙門汝今云何謂我等輦為童子  
耶我時語言汝等大眾三十萬人盡其身力  
不能移此微末小石云何不名為童子乎諸  
力士言汝若謂我為童子者當知汝即是大  
人也善男子我於今時以足二指掘出此石  
是諸力士見是事已即於已身生輕劣想復  
作是言沙門汝今復能移徙此石令出道不



我言童子何因緣故嚴治此道諸力士言沙  
門汝不知耶釋迦如來當由此路至娑羅林  
入於涅槃以是因緣我等平治我時讚言善  
哉童子汝等已發如是善心吾當為汝除去  
此石我時以手舉擲高至阿迦尼吒時諸力  
士見石在空皆生驚怖尋欲四散我復告言  
諸力士等汝涅槃經卷三十三今不應生恐怖心三十一各欲散去諸  
力士言沙門若能救護我者我當安住今時  
我復以手接石置之右掌力士見已心生歡  
喜復作是言沙門是石常耶是無常乎我於  
今時以口吹之石即散壞猶如微塵力士見  
已唱言沙門是石無常即生愧心而自考責

云何我等恃怙自在色力命財而生憍慢我  
知其心即捨化身還復本形而為說法力士  
見已一切皆發喜提之心善男子拘尸那竭  
有一工巧名曰純陀是人先於迦葉佛所發  
大誓願釋迦如來入涅槃時我當最後奉施  
飲食是故我於毗舍離國顧命比丘優婆塞  
那善男子過三月已吾當於彼拘尸那竭婆  
羅雙樹入般涅槃汝可往告純陀令知善男  
子王舍城中有五通仙名須跋陀年百二十  
常自稱是一切智人生大憍慢已於過去無  
量佛所種諸善根我亦為欲調伏彼故告阿  
難言過三月已吾當涅槃須跋聞已當來我

所生信敬心我當為彼說種種法其人聞已  
當得盡漏善男子羅閱耆王頻婆娑婆羅其王  
太子名曰善見業因緣放生惡逆心欲害其  
父而不得便今時惡人提婆達多亦因過去  
業因緣故復於我所生不善心欲害於我即  
修五通不久獲得與善見太子共為親友為  
太子故現作種種神通之事法華經卷第三十三從非門出從門  
而入從門而出非門而入或時示現象馬牛  
羊男女之身善見太子見已即生愛心喜心  
敬信之心為是事故嚴設種種供養之具而  
供養之又復自言大師聖人我今欲見曼陀  
羅華時調婆達多即便往至三十三天從彼

天人而求索之其福盡故都無與者既不得  
華作是思惟曼陀羅樹無我我所我若自取  
當有何罪即前欲取便失神通還見已身在  
王舍城心生慚愧不能復見善見太子復作  
是念我今當往至如來所求索大眾佛若聽  
者我當隨意教詔勅使舍利弗等今時提婆  
達多便來我所作如是言唯願如來以此大  
衆付屬於我我當種種說法教化令其調伏  
我言癡人舍利弗等聰明大智世所信伏我  
猶不以大眾付屬況汝癡人食唾者乎時提  
婆達復於我所倍生惡心作如是言瞿曇汝  
今雖復調伏大眾勢亦不久當見磨滅作是

語已大地即時六反震動提婆達多尋時躡  
地於其身邊出大暴風吹諸塵土而汙全之  
提婆達多見惡相已復作是言若我此身現  
世必入阿鼻地獄我要當報如是大怨時提  
婆達多尋起往至善見太子所善見見已即問  
聖人何故顏容憔悴有憂色邪提婆達言我  
常如是汝不知乎善見答言願說其意何因  
緣今特提婆達言我今與汝極成親愛外人  
罵汝以為非理我聞是事豈得不憂善見太  
子復作是言國人云何罵辱於我提婆達言  
國人罵汝為未生怨善見復言何故名我為  
未生怨誰作此名提婆達言汝未生時一切

相師皆作是言是兒生已當殺其父是故外  
人皆悉號汝為未生怨一切內人護汝心故  
謂為善見毗提夫人聞是語已既生汝身於  
高樓上棄之於地壞汝一指以是因緣人復  
號汝為婆羅留枝我聞是已心生愁憤而復  
不能向汝說之提婆達多以如是等種種惡  
事教令殺父若汝父死我亦能殺瞿曇沙門  
善見太子問一大臣名曰雨行大臣大王何  
故為我立字作未生怨大臣即為說其本末  
如提婆達所說無異善見聞已即與大臣收  
其父王閉之城外以四種兵而守衛之毗提  
夫人聞此事已即至王所所守王人遮不聽

入尔時夫人生瞋恚心便訶罵之時諸守人  
即告太子大王夫人欲得往見父王不審聽  
不善見聞已復生瞋嫌即往母所前牽母髮  
拔刀欲斫尔時耆婆自言大王有國已來罪  
雖極重不及女人况所生母善見太子聞是  
語已為耆婆放灑即便放捨遮断父王衣服卧  
具飲食湯藥過灑七日三十三已王命復終善見太子  
見父喪已方生悔心雨行大臣復以種種惡  
邪之法而為說之大王一切業行都無有罪  
何故今者而生悔心耆婆復言大王當知如  
是業者罪兼二重一者殺害父王二者殺須  
陀洹如是罪者除佛更無能除滅者善見王

言如來清淨無有穢濁我等罪人云何得見

善男子我知是事故告阿難過三月已吾當

涅槃善見聞已即來我所我為說法重罪得

薄獲無根信善男子我諸弟子聞是說已不

解我意故作是言如來定說畢竟涅槃

大般涅槃經卷之第三十三 序

繩乘音靜 穀音當 切郎 妄怯 良又 濁音魯 棘荆極

躡巨 負脊 資音 躡存 音刀 卑餘 陷手 鑿

戮六音 圓清音 托呼 高掙 字音 擯獨 駁邦 角

鬢莫班 蹠采何 掘具 屈徙 斯紫 擲雉 戟闕 余

女躡 女卑 亦全 盆盆 悶樵 昨焦 悴秦 醉嫌 胡謙 所

之若



